

堯山堂外紀

堯山堂外紀卷二十三

晉陵蔣仲舒編

唐

武后盟

高宗時天下諸州造雌鷄變為雄者甚多或半已化半未化乃則天正位

之兆唐人目則天之世曰牝朝后初稱周方具告天冊文有吏人見大周字上有兩仙童長二三寸執刀刻削斯須視之失去周字人知唐必復興

武后天授二年鴈卿相等詐稱上苑花發請幸則天許之尋疑有異圖乃遣使宣詔曰明朝遊上

苑火急報春知花須連夜發莫待晚風吹於是

凌晨名花布苑群臣咸服其異

后初誕之夕唯
雖皆雖右手有

黑毫引
之尺餘

高宗有八子天后所生者四人自為行高睿宗最
幼長曰弘為太子仁明孝友后方圖稱制煬殺
之而立次子賢賢日憂惕每侍上不敢有言乃
作樂章使工歌之欲以感悟上及后其辭曰種
瓜黃臺下瓜熟子離離一摘使瓜好再摘使瓜

稀三摘尚云可四摘抱蔓歸天后不聽賢卒斥
死黔中

太平公主武后所生后愛之傾諸女帝擇薛紹尚
之假萬年縣為婚館門隘不能容翟車有司毀
垣以入自興安門設燎相屬道樾為枯當時群
臣劉祿之詩云夢梓光青陛穠桃藹紫宮元萬
頃云離元應春夕帝子降秌期任奉古云帝子
升青陞王姬降紫宸郭正一云桂宮初服冕蘭

掖早生笄皆納妃出降之意

初后未正位時多引文學之士薦頃

祿之等使之撰列女傳等書密令參決表奏以分相權時人謂之北門學士

如意中有九歲女子能詩則天試之皆應聲而就

其兄辭去則天令作詩送兄遂賦云別路雲初

起離亭葉正飛所嗟人異鴈不作一行歸

中宗顯

天后廢於房陵仰天而嘆因拋一石

石遂為樹枝勾樹卒復位讀中宗紀令人憑

德氣塞惟於詩通似有小助至離宮列席領

畧佳候使才士操觚次

事稱實亦是人主快事

景龍二年中宗登驪山高頂詩云四郊秦漢國八
水帝王都。閭闔雄里開。城闕壯規模。貫渭稱天
邑。含岐實奧區。金門披玉館。因此識黃圖。帝自
題序末云人題四韻後罰三盃日暮成者五六
人餘皆罰酒

景龍三年九月九日中宗臨幸渭亭登高作云九
日正乘秋。三盃興已周。泛桂迎罇滿。吹花向酒
浮。長房萸早熟。彭澤菊初收。何藉龍沙上。方得

三
卷之二
一
恣淹留。其序云陶潛盈把。旣浮九醞之歡。畢卓
持螯須盡。一生之興。人題四韻。同賦五言。其最
後成罰之引。滿韋安石得枝字云。金風飄菊蕊。
玉露泫萸枝。蘇瓌得暉字云。恩深答效淺。雷醉
奉宸暉。李嶠得歡字云。令節三秋晚。重陽九日
歡。蕭至忠得餘字云。寵極萸房遍。恩深菊酎餘。
竇希珍得明字云。願陪歡樂事。長與歲時深。李
迥秀得風字云。霽雲開曉日。仙藻麗秋風。趙伯

彥得花字云簪挂丹萸蕊。杯涵紫菊花。楊廉得
亭字云遠日瞰秦垌。重陽坐灞亭。岑羲得浹字
云爰豫賜秦垌。升高臨灞浹。盧藏用得開字云
更依珮裏發。菊向酒邊開。李咸得直字云菊黃
迎酒泛。松翠凌霜直。閔朝隱得筵字云簪紱趨
皇極。笙歌接御筵。沈佺期得長字云臣歡重九
慶。日月奉天長。薛稷得曆字云願陪九九辰。長
奉千。曆蘇頲得時字云季數登高日。延齡命

賞時。李入得濃字。云捧篋萸香遍。稱觴菊氣濃。
馬懷素得酒字。云蘭將葉布席。菊用香浮酒。陸
景初得臣字。云登高識漢苑。開道侍軒臣。韋元
旦得月字。云雲物開千里。天行乘九月。李適得
高字。云禁苑秋光入。宸遊霽色高。鄭南金得日
字。云風起韻虞絃。雲開吐堯日。于經野得樽字。
云桂筵羅玉俎。菊醴溢芳樽。盧懷慎得還字。云
鶴似聞琴至。人疑宴鎬還。是宴也。韋安石蘇瓌

詩先成于經野盧懷慎最後成罰酒

景龍三年十月帝誕辰內殿宴群臣帝曰今天下
無事朝野多歡欲與卿等詞人時賦詩宴樂可
識朕意不須惜醉大學士李嶠宗楚客等跪奏
曰臣等謬以不才策名文館旣陪天歡不敢不
醉乃為栢梁體聯句帝曰潤色鴻業寄賢才李
嶠曰叨居右弼媿鹽梅宗楚客曰運籌帷幄何
時來劉憲曰職掌圖籍濫蓬萊崔湜曰兩司謬

忝謝鍾裴鄭。惜曰禮樂銓管效塵埃。趙彥昭曰
陳師振旅清九垓。李適曰忻承顧問侍天杯。蘇
頔曰銜恩獻壽栢梁臺。盧藏用曰黃縑青簡奉
康哉。薛稷曰宗伯秩禮天地開。宋之問曰帝歌
難續仰昭回。陸景初曰微臣捧日變寒灰。上官
婕妤曰遠慙班左愧遊陪。此後每遊別殿幸離
宮。駐蹕芳苑鳴笳仙禁或戚里宸遊王門。黻席
無不畢從。

景龍四年正月五日帝御大明殿會吐蕃騎馬之
戲因重為栢梁體聯句帝曰大明御宇臨萬方
皇后曰顧慚內政翊陶唐長寧公主曰鸞鳴鳳
舞向平陽安樂公主曰秦樓魯館沐恩光太平
公主曰無心為子輒求郎溫王重茂曰雄才七
步謝陳王上官昭容曰當熊讓輦愧前芳吏部
侍郎崔湜曰再司銓管恩何忘著作郎鄭愔曰
文江學海思濟航考功員外郎武平一曰萬邦

考績臣所詳著作郎閻朝隱曰著作不休出中
腸時上疑御史大夫竇從一將作大匠宗晉卿
素不屬文未卽令續二人固請許之從一曰權
豪屏跡肅嚴霜晉卿曰鑄鼎開嶽造明堂時吐
蕃舍人明悉獵請令授筆与之曰玉醴由來獻
壽觴上大悅賜与衣服

景龍四年正月八日立春中宗內出綵花賜近臣
武平一應制賦詩云鑾輅青旂下帝臺東郊上

苑望春來黃鶯未解林間轉紅蕊先從殿裏開
畫閣條風初變柳銀塘曲水半含苔忻逢睿藻
先韶律更促霞觴畏景催是日中宗手勅批云
平一年雖最少文甚警新悅紅蕊之先開訝黃
鶯之未轉循環吟咀賞歎兼懷今更賜花一枝
以彰其美所賜學士花並插頭上平一左右交
插因魚鰒拜謝時崔日用乘酣飲欲奪平一所
賜花上於簾下見之謂平一曰日用何為奪卿

花平一跪奏曰讀書萬卷從日用滿口虛張。賜
花一枝學平一終身不獲。上及侍臣大笑。因賜
酒一杯。

中宗朝御史大夫裴談。崇奉釋氏。妻悍妬。談畏如
嚴君。嘗謂妻有可畏者。三少妙之時。視之如生
菩薩。安有人不畏生菩薩耶。及男女滿前。視之
如九子魔母。安有人不畏九子魔母耶。及五十
六十。薄施粧粉。或青或黑。視之如鳩盤荼。安有

人不畏鳩盤茶耶時韋庶人頗襲武氏風軌中
宗漸畏之內宴唱迴波時有優人詞曰迴波爾
時栲栳怕婦也是大好外邊祗有裴談內裏無
過李老韋后意色自得以束帛賜之

張鷟

字文成自號浮休子其父夢一大鳥紫色

父云紫者鷟鷟也此鳥為鳳皇之佐汝當
為帝輔遂以為名字卒以詞學知名員半
千謂其文如青銅錢萬棟萬中未聞退時
故人號青錢學士久視中太官令馬仙童
陷默窳問張文成仙在仙童曰自御史貶
官默窳曰此人何不見用也後新羅日本

使入朝咸使人
就寫文章而去

張文成下筆成章凡七應舉四叅選其判策皆登
甲第輟洛陽尉有咏鸞詩其末章云變石身猶
重。啣泥力尚微。從來赴甲第。兩起一雙飛。時人
無不諷詠累遷司門員外

張文成工為俳諧詩賦時大將軍黑齒常之將出
征或勉之曰公官卑何不從行文成曰寧可且
將朱脣飲酒誰能逐你黑齒嘗脂

則天革命舉人不試皆与官起家至御史評事拾
遺補闕者不可勝數張鷟為謠曰補闕連車載
拾遺平斗量把推侍御史枕脫校書郎時有沈
全交於南院續四句曰評事不讀律博士不尋
章麤糊存撫使眯目聖神皇遂被把推御史紀
先知捉向右臺對仗彈劾以為謫朝政敗國風
謫於朝堂决杖然後付法則天笑曰但使卿等
不濫何慮天下人語不須与罪卽宜放却先知

於是手面無色

周詔州曲江令朱隨侯張鷟目為臃亂士梟其女

夫季逖遊客余朱九並姿相少媚廣州人號為

三樵

七肖反

人歌之曰奉勅追三樵隨侯傷道走

迴頭語李郎喚取余朱九

妻師德長大而黑一足蹇元一目為失聲

方相又曰衛靈公言衛獲靈柩亦方相也

張元一

武后有疾遍祭神廟閭朝隱詣少室山時為給事中因親撰祝文以身代

張沐浴伏於俎盤令僧道迎至神所觀者如堵會后病愈特加賞賚元一乃西代犧

圖以進后大笑元一腹粗脚短
項縮眼跌舌頂目為涎涎機夢

則天朝舊人上封事多加官賞有為右臺御史者
則天嘗問左司郎中張元一在外有何可笑事
元一曰朱前疑着綠逮仁傑著朱閭知微騎馬
馬吉甫騎驢將名作姓李千里將姓作名吳栖
梧左臺胡御史右臺御史胡左臺謂胡元禮御
史胡著人為御史尋改他官

則天朝西戎犯邊則天欲諸武立功因行封爵命

河內王武懿宗為元帥統兵禦之至趙州聞賊數千騎從北來乃棄兵甲南走邢州賊退方更向前軍回至都置酒高會懿宗形貌短醜元一於御前嘲之曰長弓短度箭蜀馬臨高踰去賊七百里隈牆獨自戰忽然逢着賊駢猪向南趨則天聞之初未悟曰懿宗無馬耶何故騎猪元一解曰騎猪夾豕走也則天大笑懿宗怒曰元二夙構實欲辱臣則天命探韵与之懿宗請賦

拳字元一應聲曰裏頭極艸、掠髮不拳、未
見桃花面皮、漫作杏子眼孔。則天大悅懿宗極
有慙色。

周靜樂縣主河內王懿宗妹也。懿宗短醜然於諸
武。最長時號大哥。縣主與則天並馬行。命元一
詠曰：馬帶桃花錦，裙銜綠草羅。定知幃帽底，儀
容似大哥。則天大笑。縣主極慙。

郭震

字元振，美丰姿。張嘉貞欲納為婦，曰：吾
五女各持一絲，慢後子牽之，得者為婦。

元振率一紅絲得第三女有姿色弱冠舉進士後同中書門下封代公唐宰相二親

存者惟元

振一人

郭代公書山居中夜有人來叩面如盤暎公了無懼色徐染翰題其頰曰久戍人偏老長征馬不肥乃公之警句也題畢吟之其物遂滅數日公隨樵者閑步見巨木上有白耳大如數斗所題句在焉

郭元振初授通泉尉嘗盜鑄及掠賣部口以餉賓

客武后召欲詰旣與語奇之元振上寶劔篇曰
君不見昆吾鉄冶飛炎烟紅光紫氣俱赫然良
工鍛鍊經幾年鑄得寶劔名龍泉龍泉顏色如
霜雪良工咨嗟嘆奇絕琉璃匣裏吐蓮花錯鏤
金環映明月正逢天下無風塵幸得用防君子
身精光黯黯青蛇色文章片片綠龜鱗非直結
交遊俠子亦嘗親近英雄人何言中路遽棄捐
零落漂淪古鉄邊維復沉埋無所用猶能夜々

氣衝天

蘇味道

武后朝為相世號模稜手與杜審言李喬崔融為文章四友杜恃才傲世

嘗語人口吾文章必得屈宋作衙官吾筆當得王羲之北面及病甚宋之問武平一省候何如答曰甚為造化小兒所苦尚何言然吾在久壓公等今且成圓大慰但恨不見替人耳

神龍時上元節許三夜夜行金吾不禁士女無不出遊車馬塞路有足不躡地浮行數十步者王公家皆數百騎行歌蘇味道詩云火樹銀花合

星橋鐵鎖開。暗塵隨馬去。明月逐人來。遊妓皆
穠李。行歌盡落梅。金吾不禁夜。玉漏莫相催。郭
利貞詩曰。九陌連燈影。千門度月華。傾城出寶
騎。匝路轉香車。爛熳唯愁晚。周旋不問家。更逢
清管發。處處落梅花。一時文士賦詩以紀其事
者數百人。唯二詩爲絕唱。蘇味道士高適王方慶
或問張元一二子孰賢。答曰。蘇如九月得霜。鷹
王如十月被凍。鴈或問其故。曰。得霜鷹俊捷。被
凍鴈頑鈍也。

李嶠

字巨山兒時夢人以雙筆贈文日有名

前典王楊接中與崔蘇齊名晚諸人沒而嶠爲文章老宿然性好文辭遷擢人陞進

性好文章增人才華性貪濁增人受賂故世謂嶠有三疾

長壽三年則天徵天下銅鐵於定鼎門內鑄八稜

銅柱高九十尺徑一丈二尺題曰大周萬國述

德天樞紀革命之功貶唐家之德天樞下置鐵

山銅龍上施盤龍以托珠金彩熒煌光伴日月

朝士獻詩者不可勝紀惟李嶠詩冠絕當時曰

轍跡光西嶠。勲庸紀壯燕。何如萬國會。諷德九
門前。灼灼臨黃道。迢迢入紫煙。仙盤正下露。高
柱欲承天。山類從雲起。珠疑大火懸。聲流塵作
劫。業固海成田。聖澤傾堯酒。薰風入舜絃。忻逢
下生日。還偶上皇年。後憲司發嶠。附會韋庶人。
左授滁州別駕。開元中詔殺天樞發卒鏐鏐那
月不盡洛陽尉李休烈賦詩以
詠之曰天門街裏倒天拒火急先須卸火珠既
合一條絲線挽何勞兩縣索人夫先有訛言云
一條線挽天樞言其不
輕久也故休烈詩及之

景龍中張柬自朔方入朝中宗於西苑迎之從臣
宴於桃花園李嶠歌曰歲去無言忽鷦鷯時來
含笑吐氛氲不能擁路迷仙客故欲開蹊侍聖
君趙彥伯曰紅萼競然春苑曉芊茸新色御筵
開長年願奉西王讌近侍慚無東朔才又一從
臣歌曰源水叢花無數開丹跗紅萼間青梅從
今結子三千歲預喜仙游復摘來明日宴承慶
殿上令宮女善謳者唱之詞旣婉歌仍妙絕樂

府號桃花行

崔融

字安成擢八科高第為崇文館學士武后美其文進鳳閣舍人撰武后哀冊文

最高麗絕筆而或時謂思苦神竭融少與杜審言等友善融或審言為服認

則天時改控鶴府為奉宸府張易之與其弟昌宗為奉宸令引詞人為供奉時有言昌宗是王子晉後身令被羽衣吹簫乘木鶴奏樂於庭崔融賦詩為絕唱有昔遇浮丘伯今同下令威中郎才貌是藏史姓名非之句後與蘇味道相誚云

某詩所以不及相公因無銀花合故耳味道云
子詩雖無銀花合還有金銅丁相與拊掌而笑

崔調蘇大樹句
蘇調崔令威句

喬知之

武后朝累官
至右司郎中

喬知之妾曰碧玉美而善歌舞知之為之不婚武
承嗣借教歌舞遂不還知之痛憤成疾因作綠
珠怨寫以縑素厚賂閹守密寄之其詞曰石家
金谷重新聲明珠十斛買娉婷此日可憐君自

許此時可喜得人情。君家閨閣未曾難。常將歌舞借人看。意氣雄豪非分理。嬌矜勢力橫相干。辭君去君終未忍。徒勞掩袂傷鉛粉。百年離恨在高樓。一旦容華為君盡。碧玉得詩悲惋結。於裙帶赴井死承嗣。見詩遣酷吏誣殺。知之喬知之有妹。熊詩咏破簾云。已漏風聲擺。繃持也。不禁一從經落節。無復有貞心。

沈佺期

字雲卿。官太子詹事。詩与宋之間齊名。學者推沈。宋語曰。蘇李居前。沈宋

比肩張燕公曰沈三兄詩須還他第一武
后時以經史子集為四部又稱庫薛稷知
集庫馬懷素知經庫沈佺
期知史庫武平一知子庫

景龍三年正月晦日中宗幸昆明池賦詩群臣應
制百餘篇帳殿前結綵樓命上官昭容選一篇
為新翻御製曲從臣悉集其下須臾紙落如飛
各認其名懷之既退惟沈佺期宋之問二詩不
下移時一紙飛墜競取而觀乃沈詩也及聞其
評曰二詩工力悉敵沈詩落句云微臣雕朽質

羞觀豫章才。蓋詞氣已竭。宋詩云不愁明月盡。自有夜珠來。猶陡健舉沈乃伏。不敢復爭。名昭容

兒西臺侍
郎儀之孫

沈雲卿初除給事。中考功郎。會張易之敗。長流驩州。稍遷台州錄事參軍。復召入拜修文館學士。既侍宴。帝詔學士等舞回波。伶期為弄詞。悅帝。其詞云。迴波爾時伶期。流向嶺外生歸。身名已榮齒錄袍笏。未復牙緋。帝即賜牙緋。尋歷太子

詹事

宋之問

字延清父令文富文辭且工書有力絕人世稱三絕既之問以文章起其

弟之梯以驕勇聞之遜精草隸皆得父一絕時張易之有寵之問與朝隱沈佺期

劉允濟傾心媚附之所賦詩篇盡之問朝隱所為至為易之奉溺器

大后朝宋延清求為北門學士不許作明河篇見

意其詞云八月涼風天氣清萬里無雲河漢明

昏見南樓清且淺曉落西山縱復橫洛陽城關

天中起長河夜々千門裏複道連薨其蔽虧画

堂瓊戶特相空。雲母帳前初泛濫。水晶簾外轉
逶迤。倬彼昭回如練白。復出東城接南陌。南陌
征人去不歸。誰家今夜擣寒衣。鶯鶯機上疎螢
度。烏鵲橋邊一鴈飛。鴈飛螢度愁難歇。坐見明
河漸微沒。已能舒卷任浮雲。不惜光輝讓流月。
明河可望不可親。願得乘槎一問津。更將織女
支機石。還訪成都賣卜人。則天見其詩。謂崔融
曰。吾非不知之問。有奇才。但恨有口。過耳蓋云。

問患齒疾口常臭故也之間終身慙憤

武后遊龍門命群臣賦詩先成者賜錦袍東方虬
詩成拜賜坐未安宋之問詩成文理兼美左右
莫不稱善乃就奪虬錦袍衣之其詞曰宿雨霏
氛埃流雲度城闕河堤柳新翠苑樹花初發洛
陽花柳此時濃山水樓臺映幾重群公拂霧朝
翔鳳天子乘春幸鑿龍龍門近出王城外羽從
淋漓擁軒蓋雲蹕纔臨御水橋天衣已入香山

會山壁嶄巖斷復連。清流澄澈俯伊川。塔影遙
遙綠波上。皇龕奕奕翠微邊。層巒舊長千尋木。
春壑初飛百丈泉。綵仗蛺蝶遶香閣。下輦登高
望河洛。東城宮闕擬昭回。南陌溝塍殊綺錯。林
下天香七寶臺。山中春酒萬年盃。微風一起祥
花落。仙樂初鳴瑞鳥來。鳥來花落紛無已。稱觴
獻烟霞。裏歌舞淹留景欲斜。石間猶駐五雲車。
鳥旗翼。畱芳艸。龍騎駸。映晚花。千乘萬騎

鑾輿出水靜山空。嚴警蹕郊外。喧々引看人。傾
城南望。屬車塵囂聲。引颺聞黃道。王氣周迴入
紫宸。先王定鼎三河固。寶命乘周萬物新。吾王
不事瑤池樂。時雨來觀農扈春。

東方虬武后時為左史嘗曰百

年後可與西門豹作對

汝州劉希夷少有文華。好為宮體詩。善彈琵琶。嘗
為白頭翁詠云。今年花落顏色改。明年花開復
誰在。既而自悔。我此詩識與石崇白首同所歸。

何異乃更作一聯云年年歲歲花相似歲歲年
年人不同既而又嘆曰此句復似向識矣然死
生有命豈復由此卽兩存之宋之問希夷舅也
愛落花二句懇乞許而不與怒以土囊壓殺之

後孫翌撰正聲集以此詩為劉
集中之最由是大為人所稱

崔日用

日知
從弟

崔日用為御史中丞賜紫是時佩魚須有特恩嘗
因宴會命群臣撰詞日用口占曰臺中鼠子直

須嚙信足跳梁上壁龕倚翻燈脂汚張五還來
齧帶報韓三莫浪語真王相犬家必若賜金龜
賣却猫兒相賞中宗亦以金魚賜之

景龍末中宗幸司農少卿王先輔莊是夕岑義設
茗飲討論經史武平一論春秋崔日用請北面
因贈平一歌有彼名流兮左氏癖意玄遠兮冠
今夕之句

李日知景龍初
為相

初安樂公主館第成中宗臨幸燕從官賦詩李日
知卒章曰所願但知居者樂無使時稱作者勞
獨以規戒睿宗他日謂曰向時雖朕亦不敢諫
非卿亮直何能爾卽拜侍郎

李景伯

宰相懷遠之子

景龍初李景伯爲諫議大夫中宗宴侍臣酒酣各
命爲迴波辭衆皆爲佞悅語景伯獨寓規諷其
詞曰迴波爾時酒卮微臣職在箴規侍宴旣過

三爵喧譁切恐非儀中宗不悅中書令蕭至忠
稱之曰此真諫官也

趙謙光

唐諸郎中不自員外郎拜者謂之士山頭木穀言
便拜崇品有似長征兵士便授邊遠果毅也景
龍中趙謙光自彭州司馬入爲大理正遷戶部
郎中賀遂涉時爲員外戲詠之曰員外由來美
郎中望不優寧知粉署裏翻作土山頭謙光酬

之曰錦帳隨情設。金鑪任意薰。唯愁員外署。不
應列星文。人以爲奇句。

趙仁獎

嘗選上蔡令。嗜好禮拜御史。有令乘
驄馬去。丞脫繡衣來。句或疑其假手。

趙仁獎住王戎墓側。善歌黃麋。景龍中。負薪詣闕。
云助國調鼎。卽除臺官。中書令姚崇曰。此是黃
麋耶。授以當州一尉。惟以黃麋自衛。宋務光朝。
之曰。趙仁獎出。王戎墓下。入朱博臺中。捨彼負
薪。登茲列栢。行人不避驄馬。坐客惟聽黃麋。有

頃一夫負兩束薪曰此合拜殿中人問其由曰
趙以一束拜監察此兩束豈不合授殿中

陸餘慶

陸餘慶轉洛州長史其子嘲之曰陸餘慶筆頭無
力嘴頭硬一朝受詞訟十日判不竟送案牘下
餘慶得而讀之曰必是那狗遂鞭之

權龍褒

景龍中爲左
武衛將軍

權龍褒好賦詩而不知聲律中宗與學士賦詩輒

自預焉帝戲呼為權學士初以親累遠貶泊歸
獻詩云龍褒有何罪天恩放嶺南勅知無罪過
追來與將軍上大笑

權龍褒夏日侍皇太子宴獻詩云嚴霜白皓明
月赤團二或曰豈是夏景答曰趁韻而已太子
援筆譏之曰龍褒才子秦州人氏明月晝耀嚴
霜夏起如此詩章趁韻而已

權龍褒嘗作咏日詠懷詩曰簷前飛七百雪白後

園僵飽食房裡側家糞集野娘參軍不曉問之
權曰鷄子簾前飛直七百洗衫掛後園白如雪
飽食房中側臥家裏便轉集得野澤蠅娘聞者
無不絕倒龍褒為瀛州刺史歲暮京中人附書云改年多感乃將書呈判司以下云有司改年為多感元年一日謂府吏何名私忌對曰父母亡日請假偏房中靜坐有狗突入大怒曰衝破我忌日更牒改到明日好作忌日

堯山堂外紀二十三卷

堯山堂外紀卷二十四

晉陵蔣仲舒編

唐

明皇隆基

小字三郎梓潼縣有上亭驛帝幸蜀問黃幡綽曰車上鈴聲頗似人

言語對曰似言三郎郎當
三郎郎當故又名琅璫驛

萬歲通天元年鑄九鼎成置於東都明堂之庭武
后自製曳鼎歌令曳鼎者唱和其蔡州鼎銘曰
羲農首出。軒昊應期。唐虞繼踵。湯禹乘時。天下

光宅域內雍熙上玄降靈方建隆基

明皇御名已兆於此

開元二年太子賓客薛謙光獻東都九鼎銘紫微令姚崇奏曰聖人啟運休兆必彰請宣付史

館

左丞相張說右丞相宋璟太子少傅源乾曜同上
官命宴東堂賜詩云赤帝收三傑黃軒舉二臣
由來丞相重分掌國之鈞我有握中璧雙飛席
上珍子房推要道仲子訝風神復輟台衡老將

為調護人。鵲鸞同拜日。車騎擁行塵。樂聚南宮宴。觴連北斗醇。俾予成百揆。垂拱問誰倫。

玄宗幸寧王憲宅與諸王宴採韻賦詩曰魯衛情
先重親賢尚轉多冕旒豐暇日乘景暫經過戚
里申高宴平臺奏雅歌復尋為善樂方驗保山
河

明皇性俊邁不好琴會聽琴一弄未畢叱琴者出
謂內侍曰速令花奴將羯鼓來為我解穢花奴

汝陽王璿小字也帝酷愛羯鼓云八音之領袖
春雨初晴景物明媚帝曰對此景豈可不與他
判斷之手乃命高力士取羯鼓臨軒縱擊一曲
名春光好回頭柳杏皆笑上笑曰此一事不喚
我作天公可乎又製秋風高至秋高迥徹奏之
必遠風徐來庭葉飛下

帝每後宮春宴使妃嬪
各持艷花觀捉粉蝶放

之蝶止
者幸焉

江采蘋莆田人九歲能誦二南語父曰我雖女子

期以此為志父奇之故名采蘋開元中高力士
選歸侍明皇大見寵幸善屬文自比謝女淡粧
雅服而姿態明秀性喜梅所居悉值梅上因其
所好戲名梅妃會太真楊氏入侍寵愛日奪竟
為楊氏遷於上陽東宮帝每念之時在花萼樓
有夷使貢珍珠者至命封一斛密賜妃妃不受
以詩付使者為我進御前也上覽詩悵然不樂
令樂府以新聲度之號一斛珠詩曰桂葉雙眉

久不描殘粧和淚濕紅綃長門盡日無梳洗何

必珍珠慰寂寥

楊貴妃字玉真小字玉奴又名玉環初承恩召與父母相別泣

涕登車時天寒淚結為紅冰每至夏月汗出紅膩而多香或拭於巾帕上色如桃紅

明皇於便殿賞牡丹謂程修己曰今京邑人傳牡

丹詩誰為首修己對曰中書舍人李正封詩天

香夜染衣國色朝酣酒時楊妃侍上曰粧臺前

宜飲以一紫金盞酒則正封之詩見矣

楊太真中酒衣褪微露乳帝捫之曰軟溫新剝雞

頭肉安祿山在傍曰滑膩凝如塞上酥帝笑曰

信是胡兒只識酥

帝謂太真曰漢成帝後飛燕身輕不禁風製七寶避風臺

以護之爾則任風吹蓋貴妃微有肌也一日登沉香亭召太真是時妃子卯酒未醒高力士扶掖而至殘粧醉韻不能再拜帝曰真海棠睡未足耶妃每宿酒初消肺熱渴則遊後苑吸花上露潤

肺

開元中以太常禮儀聲樂之司屬亦擇才太祝奉禮與秘書省校書郎正字相埒而校正俸祿微少孤寒英傑者居之或有不辦匠馬乘驢入省

而太祝奉禮每月請明衣絹布及胙肉俸祿又多乃公卿子弟居之衣馬比較正頗輕肥時有語曰正字校書詠詩騎驢奉禮太祝輕裘食肉開元中頒賜邊軍纈衣製於宮中有兵士於短袍中得詩曰沙場征戍客寒苦若為眠戰袍經手作知落阿誰邊畜意多添線含情更著綿今生已過也重結後身緣兵士以詩白帥帥進呈明皇命以詩遍示宮中曰作者勿隱吾不汝罪也

有一宮人自言萬死玄宗深憫之遂以嫁得詩者仍謂之曰我與汝結今生緣邊人皆感泣天寶末玄宗嘗乘月登勤政樓命梨園弟子歌數闕有唱李嶠詩者云富貴榮華能幾時山川滿目淚沾衣不見祗今汾水上唯有年年秋鴈飛時上春秋已高問是誰詩或對曰李嶠因淒然涕下不終曲而起曰李嶠真才子也又明年幸蜀登曰衛嶺覽眺久之又歌是詞復嘆曰李嶠

真才子也高力士以下揮涕久之

李遐周頗有道術開元中嘗召入禁中後求出住
玄都觀天寶末祿山豪橫跋扈遠近憂之而上
意未寤一旦遐周隱去不知所之但於其所居
壁上題詩數章言祿山僭竊及幸蜀之事其末
篇曰燕市人皆去函關馬不歸若逢山下鬼環
上繫羅衣當時人莫能曉後方驗云

明皇初自蜀回夜闌倚勤政樓南望烟月滿目因

歌曰庭前琪樹已堪攀塞北征人尚未還蓋北
齊盧思道詩也歌畢里中隱隱如有歌者謂力
士曰得非梨園舊人乎遲明為我訪來翌日力
士求於里中召至果是其夜復乘月登樓左右
惟力士及妃子侍者紅桃在焉遂命歌涼州涼
州卽貴妃所製親御玉笛為御樓曲曲罷無不
掩泣因廣其曲傳於人間

明皇在南內嘗夢中見妃子於蓬山太真院作詩

遺之使焚於馬嵬山下云風急雲驚雨不成覺
來仙夢甚分明當時苦恨銀屏影遮隔仙姬祇
聽聲又作妃子所遺羅襪銘曰羅襪羅襪香塵
生不絕細々圓々地下得瓊鈎窄々芳々手中
弄初月又如脫履露纖圓恰似同衾見時節方
知清夢事非虛暗引相思幾時歇

馬嵬坡太真
縊死地在此

陽西店媪於梨樹得錦襪一隻過客傳玩每出
百金由此致富妃墳上有土似粉洗面能去垢

崔湜

仁師之子弟澄波兄崔並有文翰列居
清要每私宴自北王謝之家湜黨太早

公主被流嶺南至荊州夜夢講坐下聽法
而照鏡占夢曰崔令公大惡夢坐下聽講
法從上來也鏡金旁竟也其
竟于今日手尋有勅令自盡

崔湜初執政時年二十七容止端雅文詞清麗嘗
暮出端門下天津橋馬上自吟曰春還上林苑
花滿洛陽城張燕公時為工部侍郎望之杳然
而歎曰此句可效位可得其年不可及也

王灣

登先天進士第開元初為滎陽王
簿馬懷素欲校正羣籍灣在選中

王灣詞翰早著為天下所稱遊吳中江南意云南

國多新意東行伺早天潮平兩岬失風正一帆
懸海日生殘夜江春入舊年從來觀氣象唯向
此中偏張燕公居相府手題海日生殘夜一聯
於政事堂每示能文令為楷式

張敬忠

平虛節
度使

先天時王主敬為侍御史自以才望華妙當入省
臺前行忽除膳部員外郎惟有悵惋張敬忠時
為吏部郎中戲詠曰有意嫌兵部專心望考功。

誰知脚踏蹬幾落省牆東蓋膳部在省最東北隅也

邵景

安陽人初授汾陰尉累遷右臺監察考功員外

玄宗卽位初邵景與殿中御史蕭嵩韋鏗俱昇殿行事職掌殊別而制出景嵩俱受朝散大夫鏗獨不霑命景嵩狀貌類胡景鼻高而嵩鬚多同時服朱紱對立於庭鏗乃於簾中竊窺而詠曰一隻胡子着緋袍一箇鬚多一鼻高相對廳前

捺旦立自慙身品世間毛舉朝以為歡笑他日
睿宗御承天門百僚倚列鏗忽風眩而倒鏗肥
而短景意酬其前朝乃詠之曰飄風忽起團團
旋倒地還如著脚槌莫怪殿上空行事却為元
非五品才時人無不諷詠

任端

即侍御史
任正名也

開元中任正名為御史時置裏行無員數或有御
史裏行殿中裏行監察裏行以未為正官也臺

中詠之曰柱下維為史臺中未是官何時聞必
也早晚見任端

元福慶拜右臺監察與韋虛名任正名頗事軒昂
殿中監察評之詠曰韋子疑而密任生直且狂
可憐元福慶也學坐癡牀正名聞之乃自放為
俊且強

鄭繇

開元初岐王範為岐州刺史鄭繇為長史範失白

鷹深所愛惜。因為失白鷹詩。以致意其詩曰。白
錦文章亂丹霄。羽翮齊雲間。呼鵠下雪裏。放還
迷梁苑。驚池鵲。陳含拂野雞。不知寥廓外。何處
別依棲。甚為時所詠詠。

史育

開元初。零陵史育上表自薦。臣聞曹子建七步成
章。臣若賜召試五步之內。可塞明詔。明皇試以
除夜詩。遂應口出。云。今歲今宵盡。明年明日催。

寒隨一夜去。春逐五更來。氣色空中改。容顏暗裏催。風光人不覺。已入後園梅。明皇稱賞授左監門衛將軍。

薛令之

字珍君長溪人肅宗思東宮舊德嘉歎其康勅其鄉曰康村水曰燕溪

開元中東宮官僚清談閩人薛令之為右庶子別無吏職而俸廩甚薄戲題其壁曰朝日上團團照見先生盤盤中無所有首箱長闌干飢澁是難縮羹稀箸易寬只可謀朝夕何由度歲寒上

幸東宮見之索筆續之曰啄木嘴距長鳳凰毛
羽短若嫌松桂寒任逐桑榆暖令之懼而謝病
歸遂不復用

李昂

開元中考功員外郎李昂主俊秀科昂性剽急集
貢士曰文之美惡悉知之矣如有請託當悉黜
之旣而昂外舅薦李權於昂昂怒召權庭數之
又斥權章句之疵權曰鄙文不臧已聞命矣執

事詩云耳臨清渭洗心向白雲閑今天子春秋
鼎盛不揖遜於下而洗耳何哉昂訴於執政朝
廷以郎官權輕自是改用禮部侍郎

劉晏

十歲召入禁中貴妃坐膝
上為施粉黛與戴巾

開元時明皇御勤政樓大張音樂教坊王大娘善
戴竿於百尺上為木山狀瀛洲方丈命小兒持
絳節出入其間舞亦不輟時劉晏以神童授秘
書省正字上問晏為正字正得幾字晏曰天下

字皆正唯朋字未正貴妃令詠王太娘戴竿晏
應聲曰樓前百戲競爭新惟有長竿妙入神誰
謂綺羅翻有力猶自嫌輕更著人上與貴妃為
之絕倒

劉朝霞

天寶初上遊華清宮有劉朝霞者獻賀幸溫泉賦
詞調倜儻雜以俳諧其畧曰若夫天寶二年十
月後号臘月前辦有司之供具命駕幸于溫泉

天門乾開露神仙之福湊。鑒典劃出。驅甲仗以
駢闐青一隊。号黃一隊。熊踏胸。号豹拏背。朱一
團。号纁一團。玉鏤珂。号金鏤鞍。述德云。直搜得
盤古髓。搯得女媧瓢。遮莫爾古時千帝。豈如我
今日三郎。其自叙云。別有窮奇。踰蹙。失路猖狂。
骨體雖短。伎藝能長。夢裏幾回富貴。覺來依舊
悽惶。今日是千年一遇。叩頭奠五角六張。帝覽
而奇之。命改去五角六張字。奏云。臣輩此賦時。

有神助自謂文不加點筆不停綴不顧從天而
改上顧曰真窮薄人也授以衛職

黃幡綽

安西牙將劉文樹口辯善奏對明皇每嘉之文樹
髭生頷下貌類猴上令黃幡綽嘲之文樹切惡
猿猴之號乃密賂幡綽不言之幡綽許而進嘲
曰可憐好箇劉文樹髭鬚共頷願別佳文樹面
孔不似猢猻猢猻面孔強似文樹上知其遺賂

大笑

玄宗問黃幡綽是勿兒得憐

勿兒猶言何兒

對曰自家兒

得人憐時貴妃寵極中宮號祿山為子肅宗在東宮常危上聞幡綽言俛首久之

玄宗嘗登苑北樓望渭水見一醉人臨臥水間左右是何人左右不知將遣使問之幡綽曰臣知之此是年滿令史上曰你何以知對曰更一轉入流上大笑又與諸王會食寧王對御座歎一

口飯直及龍顏上曰寧奇何以錯喉幡綽曰此
非錯喉是歎噫。

葉法善

書引帝八月方開仙樂帝歸但記其半遂於箇中寓之名霓裳羽衣曲

開元中正月望日玄宗謂葉仙師曰四方何處燈
極麗對曰無喻廣陵帝曰何法觀之俄而虹橋
起於殿前師奏橋成但勿回顧帝與太真高力
士黃幡綽樂工數人從行俄至廣陵燈火士女
陳設華麗帝大悅命伶官奏霓裳羽衣曲數日

奏仙人現五色雲中明皇與詩云清溪道士人

不識上天下天鶴一隻洞門深鎖碧牕寒滴露

研硃點周易授銀青光祿大夫

宋建炎末有向宗厚者美鬚髯

善滑稽嘗累華陽巾纏足極學長於鈎距同舍王倫戲之曰唐明皇時四人今君合為一向願聞之王曰君狀類黃幡綽頭巾類葉法善脚類楊貴妃心腸似安祿山席間一笑

高力士

天寶末高力士從明皇還京明皇徙西內居十日

為李軸國所譖肅宗信之除籍長流巫州巫地

多薺而不食。力士因感而詠曰。兩京秤斤賣。五
谿無人採。夷夏雖不同。氣味終不改。寶應初赦
還。見二帝遺詔。北向哭。嘔血卒。

六 蘭

長安女子郭紹蘭。適任宗賈於湘中數年。不歸。紹
蘭親堂中有雙燕。戲梁間。因呼而語曰。我聞燕
子自海東來。往復必經湘中。我婿離家數歲。茂
有音耗。欲憑爾附書可乎。言訖。淚下。燕飛鳴上。

下似有所諾復飛於蘭膝上蘭吟詩云我好去
重湖臨牕泣血書殷勤憑燕翼寄與薄情夫小
書繫於其足燕遂飛鳴去任宗時在荊州忽見
一燕飛鳴頭上訝之燕遂泊肩上見有一小封
書繫足解而示之乃妻所寄詩也宗感而泣下
次年歸張說為傳其事